

Jawab **semua** soalan

1. (a) Firman Allah SWT :

يَا أَيُّهَا النَّاسُ إِنَّا خَلَقْنَاكُمْ مِنْ ذَكَرٍ وَأُنْثَىٰ وَجَعَلْنَاكُمْ شُعُوبًا وَقَبَائِلَ لِتَعَارَفُوا إِنَّ أَكْرَمَكُمْ عِنْدَ اللَّهِ أَتْقَىٰكُمْ إِنَّ اللَّهَ عَلِيمٌ خَبِيرٌ ﴿١٣﴾

(Surah al-Hujurat : 13)

Ayat di atas menjelaskan tuntutan kepada umat Islam untuk saling mengenali antara satu sama lain dalam kalangan pelbagai bangsa dan kaum.

Berdasarkan ayat di atas,

- (i). Nyatakan **dua** tuntutan ayat yang menggalakkan umat islam mengenali dan berinteraksi dengan pelbagai bangsa. [2 markah]
- (ii). Jelaskan **dua** keutamaan takwa. [2 markah]
- (iii).

RAKYAT MALAYSIA HIDUP BERBILANG BANGSA.

Berdasarkan pernyataan di atas, huraikan kepentingan saling menghormati dalam kalangan masyarakat.

[4 markah]

(b) Sabda Rasulullah SAW :

عَنْ أَبِي هُرَيْرَةَ رَضِيَ اللَّهُ عَنْهُ عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ: لَأَنْ يَحْتَبَبَ أَحَدُكُمْ حُزْمَةً عَلَى ظَهْرِهِ خَيْرٌ لَهُ مِنْ أَنْ يَسْأَلَ أَحَدًا فَيُعْطِيَهُ أَوْ يَمْنَعَهُ.

(Riwayat al-Bukhari)

Hadis di atas menerangkan tentang kelebihan perbuatan berdikari dalam melakukan sesuatu perkara.

Berdasarkan hadis di atas,

- (i). Nyatakan pengertian berdikari. [2 markah]
- (ii) Nabi Adam AS pernah menjadi seorang petani semasa hayatnya. Apakah **dua** pekerjaan Rasulullah SAW semasa hayat baginda? [2 markah]
- (iii). Jelaskan **dua** kelebihan berdikari. [2 markah]
- (iv). Terangkan **dua** pengajaran daripada hadis di atas. [4 markah]

[Lihat halaman sebelah
SULIT

(c)

Senaraikan **dua** tanda waqaf yang terdapat dalam ayat di atas. [2 markah]

2. (a) Kita wajib mendalami ilmu akidah yang sebenar untuk memelihara akidah daripada fahaman yang menyeleweng daripada ajaran Islam.
- (i). Nyatakan pengertian ajaran sesat dengan betul. [2 markah]
- (ii). Jelaskan **dua** ciri ajaran sesat dari aspek ibadat. [4 markah]
- (iii). Huraikan **dua** cara umat Islam dapat menjauhi ajaran sesat. [4 markah]
- (b) Pemahaman yang bercanggah dengan akidah Ahli Sunnah Waljamaah menyebabkan munculnya fahaman-fahaman yang menyeleweng daripada akidah yang sebenar.
- (i). Nyatakan secara ringkas tentang Khawarij. [2 markah]
- (ii). Terangkan perbezaan pandangan Ahli Sunnah Waljamaah dan Khawarij berkaitan isu berikut : [4 markah]
- Kedudukan iman
 - Pelaku dosa besar
- (iii).

Salah satu prinsip utama Khawarij ialah wajib keluar menentang pemimpin atau khalifah yang tidak adil.
- Pada pandangan anda, wajarkah perkara ini berlaku? [4 markah]

3. (a) Muamalat Islam ialah satu cara pengurusan kewangan berlandaskan syariat Islam.

(i). Apakah maksud akad dalam muamalat Islam? [2 markah]

(ii). Senaraikan **dua** jenis akad pertukaran dalam muamalat Islam. [2 markah]

(iii). Nyatakan **hukum** bagi situasi berikut: [2 markah]

Fahim menyertai skim cepat kaya untuk menambah duit simpanannya : _____

Farha membuat pinjaman di bank sebanyak RM10,000 untuk kegunaan peribadi : _____

(b) Suami dan isteri memainkan peranan dan tanggungjawab masing-masing dalam kehidupan rumah tangga.

(i). Jelaskan tanggungjawab suami dan isteri dari aspek akidah. [2 markah]

(ii).

ISU DERA, ABAI KANAK-KANAK SEMAKIN MENINGKAT

SEREMBAN: Usaha menangani isu pengabaian dan penderaan kanak-kanak yang dilihat membimbangkan perlu ditangani secara tuntas membabitkan pelbagai pihak.

EXCO Kerajaan Negeri Sembilan, Nicole Tan Lee Koon, menegaskan kanak-kanak perlu didedahkan mengenai hak mereka untuk dilindungi, selain pembabitan masyarakat dalam membantu mencegah peningkatan kes berkaitan pengabaian dan penderaan kanak-kanak.

Sumber: *BH Online*, 12 Julai 2024.

Berdasarkan isu di atas, ramalkan kemungkinan yang akan berlaku sekiranya ia tidak ditangani dengan betul.

[4 markah]

(c) Tempoh *iddah* membolehkan pasangan suami isteri mencari jalan penyelesaian dengan tenang.

(i). Nyatakan pengertian *iddah* dengan betul. [2 markah]

(ii). Berapakah tempoh *iddah* yang dikenakan ke atas isteri yang bercerai hidup yang belum putus haid? [2 markah]

(iii).

Antara larangan buat isteri semasa dalam tempoh iddah ialah menerima pinangan lelaki lain secara terang atau kiasan.

Pada pendapat anda, mengapakah *iddah* disyariatkan dalam Islam?

[4 markah]

4. (a) Kerajaan Abbasiyah merupakan sebuah kerajaan yang berperanan dalam mewujudkan tamadun Islam yang gemilang.
- (i). Jelaskan **dua** sumbangan Khalifah Harun al-Rashid. [2 markah]
 - (ii). Jelaskan **dua** faktor kemerosotan kerajaan Abbasiyah. [4 markah]
 - (iii). Terangkan **dua** iktibar yang boleh diambil daripada pemerintahan kerajaan Abbasiyah. [4 markah]
- (b) Salahuddin al-Ayyubi adalah salah seorang tokoh Islam yang terkenal.
- (i). Nyatakan **dua** fakta ringkas tentang riwayat hidup Salahuddin al-Ayyubi. [2 markah]
 - (ii). Jelaskan **dua** sumbangan Salahuddin al-Ayyubi dari aspek pentadbiran. [4 markah]
 - (iii).

Salahuddin al-Ayyubi merupakan tokoh yang memberi sumbangan besar dalam usaha membebaskan Baitul Makdis daripada penguasaan tentera salib.
- Berdasarkan pernyataan di atas, huraikan iktibar yang dapat diambil daripada kejayaan tersebut dalam memastikan syiar Islam dapat ditegakkan. [4 markah]

5. (a) Islam telah menggariskan beberapa adab ketika menjaga orang sakit.

(i). Jelaskan **dua** adab terhadap orang sakit dari aspek emosi. [2 markah]

(ii). Huraikan **dua** hikmah beradab dengan orang sakit. [4 markah]

(iii).



Berdasarkan gambar di atas, mengapakah orang sakit perlu dijaga dengan beradab? Huraikan hujah anda.

[4 markah]

(b) Istiqamah merupakan sifat mulia yang menjadi tuntutan dalam Islam.

(i). Nyatakan pengertian istiqamah. [2 markah]

(ii). Jelaskan contoh sifat istiqamah Rasulullah SAW beserta buktinya. [2 markah]

(iii). Huraikan ciri orang yang memiliki sifat istiqamah dalam menuntut ilmu. [2 markah]

(iv).

“Oleh itu hendaklah Engkau (wahai Muhammad) sentiasa tetap teguh di atas jalan yang betul sebagaimana yang telah diperintahkan kepada-Mu”

(Surah Hud : ayat 12)

Sebagai seorang murid, bagaimanakah anda mengekalkan sifat istiqamah dalam diri?

[4 markah]

KERTAS SOALAN TAMAT